

盛京典制備考

卷三卷三

7/24 4  
996  
2





盛京典制備考卷二目錄

廟寺

興京廟一 寺一

承德縣廟五 寺九

新民廳廟一

遼陽州 寺六

鐵嶺縣廟四 寺十三

海城縣 廟一

寧遠州廟一

廣寧縣廟一

門 4  
號 496  
卷 2



卷二



祀祠

承德縣祠三

盛京典制備考卷二

廟寺

盛京肇造不基

川嶽炳靈

神祇効順扶

景運而昭降百祥貺

繁釐而永綿

萬禩禋祀之典禮宜特隆凡載諸

祀典者志乘已詳茲不具錄其名區古剎有

欽奉



聖旨

勅建重修或頒

御書匾額詩篇

宸翰

天章昭回輝耀景仰

盛儀允宜恭載凡廟十有二寺二十有八其中如

北鎮一廟乃有虞氏封醫巫閭山以鎮幽州歷代因之歲時祭享等於五嶽實為鉅典云

謹案周官小宗伯北四望於四郊鄭元注四望為四鎮四瀆四瀆者江河淮濟也四鎮者東曰沂山西曰吳山南曰會稽山北曰醫巫閭山

廟寺

興京

顯佑宮

國初建在城東北二里崇德十七年置道士順治十五年賜名顯佑宮立碑康熙二十一年

賜供器乾隆十二年御書碧落保珍匾額又太微元範匾額又乾隆八年十九年

御製謁顯佑宮詩恭載通志四十四年四十八年俱有

天章門

地藏寺

國初建在顯佑宮東天聰六年勅八旗撥僧居之康熙二十一年

聖駕巡幸有碑記乾隆十二年有御書效證三摩匾額懸大佛殿又人天法炬匾額懸地藏殿



承德縣

景佑宮

舊建城內大清門東後移建德勝門外崇德六年  
勅選道士任持順治九年重修康熙十年  
駕幸廟中賜銀二十一年  
駕再幸

御書昭格二字匾額恭懸正殿賜名景佑宮乾隆四十三年  
御書玉虛真宰匾額恭懸正殿乾隆八年四十四年四十八  
年均有  
御製詩恭載通志

天章門

實勝寺

在外攘門關外二里俗呼黃寺我  
朝破明兵于松山

勅建此寺供奉邁達里佛並恭藏

太祖



太宗甲冑弓矢乾隆八年  
御書海月常輝匾額恭懸殿內又

御製寶勝詩恭瞻

太祖高皇帝所御甲冑詩恭瞻

太宗文皇帝所御弧矢詩十九年

御製寶勝寺詩四十二年

御製恭瞻

太祖高皇帝甲冑作歌恭瞻

太宗文皇帝所御弓矢詩寶勝寺詩又寺內有瑪哈噶喇樓

天聰九年元裔察哈爾林丹汗之母以白駝載瑪哈

噶喇佛金像並金字喇嘛經傳國璽至此駝臥不起

旨重修

### 長寧寺

在外攘門外西北五里舊稱

御花園順治十三年

勅賜為寺乾隆十九年  
御書一心為宗匾額恭懸正殿又乾隆八年

御製長寧寺詩恭瞻

太宗文皇帝所賜冠服詩四十二年四十八年

御製長寧寺詩又長寧寺恭瞻

太宗文皇帝御冠服詩恭載通志

天章門

### 萬壽寺

在外攘門外路北即慈慧寺俗呼談家菴康熙五十

勅建有  
聖祖御書遼海慈雲匾額恭懸藏經樓

### 東塔永光寺

在撫近門外五里乾隆八年

御書慈育群靈匾額恭懸正殿

### 西塔延壽寺

在懷遠門外五里乾隆八年

御書金粟祥光匾額恭懸正殿



南塔廣慈寺

御書心 在德盛門外五里乾隆八年  
空彼岸匾額恭懸正殿

北塔法輪寺

御書全 在地載門外三里乾隆八年  
鏡周圍匾額恭懸正殿四十二年

御製題法輪寺詩四十八年  
御製法輪寺詩恭載通志

天章門

太平寺

御書福田無量匾額恭懸殿內又後閣有

御書甘露香林匾額恭懸閣中

舍利寺

勅工部重修 在城西十二里塔營一名圓龍寺崇德六年  
寺前有舍利塔

護都豐農龍王廟

勅建 在撫近門內路北雍正元年

關帝廟

勅建 在地載門外西北五里崇德八年

勅額曰義高千古歲時官給香燭順治九年  
勅封忠義神武關聖大帝雍正三年加封三代公爵春秋官

御書靈護神京匾額恭懸殿內

渾河神廟

勅建 在城東十里水廠渾河北岸乾隆四十三年奉

御書靈脈精禪匾額恭懸廟內原奉  
諭旨恭載通志



論音門

遼河神廟

在城西一百二十里巨流西山乾隆四十三年

勅建

御書惠澤鍾祥匾額恭懸廟內原奉

論音門

柳河神廟 光緒二年前署將軍刑部尚書崇實具奏

奏為河神功德及民據詳請  
 旨勅加封號以答靈貺而順輿情恭摺仰祈  
 聖鑒事竊據署新民廳同知劉樹勛詳據紳耆李如柏佟  
 永安等一百九十餘人聯名呈稱廳屬之柳河素號  
 巨浸發源於蒙古敖漢旗由彰武門西入廳界離  
 廳二十餘里勢漸洶湧及至下游更形瀰漫雖漲落  
 無定遷徙靡常而鄉村從無淹沒之虞行旅亦無阻  
 滯之患實有神靈默為呵護前數年疊遇大股馬賊  
 出沒廳境水勢陡漲賊之西來阻其東竄東至者阨  
 其西奔賊散之後水仍消退如常有神民生允宜民所  
 求兩澤亦無不立沛甘霖實屬有裨民生允宜民所  
 封典等情轉詳請奏前來等因奉此查該地方川嶽之  
 陪都久著靈蹟况又禦患捍災羣情感戴既據紳耆  
 天恩飭部核議酌加封號編入祀典以答靈貺而順輿情  
 皇太后 謹合詞恭摺具奏伏祈

皇太后



皇上聖鑒謹

奏奉

旨禮部議奏欽此部議查定例直省廟祀正神實能禦災捍患有功德於民者由各省督撫奏請

勅封

封號交內閣撰擬等語今新民廳所屬之柳河河神既據該將軍等聲稱保護地方沛施雨澤久著靈蹟羣情感戴覈與禦災捍患之例相符擬請如該將軍等所

請

勅賜封號編入祀典以答靈貺而順輿情如蒙

俞允臣部移文內閣撰擬

封號字樣進呈

欽定後臣部行文該將軍等遵照辦理謹

奏請

旨於光緒二年五月三十日具奏本日奉

旨依議欽此

光緒二年九月准禮部移咨稱祠祭司案呈本部具

奏議覆

盛京將軍崇實等奏請

勅加河神封號一摺於光緒二年五月三十日奏本日奉

旨依議欽此當經移會內閣典籍廳撰擬封號字樣去後

今准內閣交出

盛京河神封號奉

硃筆圈出顯佑欽此欽遵到部相應移咨該將軍欽遵可

也須至咨者



遼陽州

廣祐寺

在州西門外三里有白塔俗呼白塔寺前明建

本朝天聰九年奉

旨重修康熙二十一年四月

駕幸寺中

棲雲寺

在城東三十里明時建

本朝崇德六年

蓮花寺

在城南三里天聰四年

勅建順治十五年修乾隆二十一年四十二年又重修立有



碑記

龍泉寺

在城南六十五里千山上明時產我朝崇德五年撥僧人九名給衣糧康熙二十二年重修

有碑記

大安寺

在龍泉寺南八里崇德元年撥僧人十名給衣糧

慈航寺

在城東北十里太子河北明時建天聰十年

駐蹕於此

太宗文皇帝親征高麗

鐵嶺縣

火神廟

在城東三十里宿老屯

勅賜銀兩

圓通寺

在城內明天順年建有碑記

勅賜銀兩

慈清寺

在城東龍首山山前有古塔

勅賜銀兩

重修



保安寺

在城東南花豹村屯  
本朝崇德八年  
勅賜寺僧銀兩

龍泉寺

在城東宿老屯  
本朝崇德八年  
勅賜銀兩

大安寺

在城東四十里崔公堡一在城南三十里殷家屯俱  
于  
本朝崇德八年  
勅賜銀兩

延壽寺

在城西王千總堡  
本朝崇德八年  
勅賜銀兩

地藏寺

在城南范河城北  
本朝崇德八年  
勅賜銀兩

湧泉寺

在城南六十里魏臺村  
本朝崇德八年  
勅賜銀兩

上帝廟

在城東南五十里撫安堡  
本朝崇德八年



勅賜銀兩

朝陽寺

在城東南五十里  
本朝崇德八年

勅賜銀兩

興隆寺

在城東南六十里全堡  
本朝崇德八年

勅賜銀兩

懿路城隍廟

在城西南六十里懿路城古廟也  
本朝崇德八年

勅賜銀兩

永興寺

在城西南懿路城北  
本朝崇德八年

勅賜銀兩

子孫聖母廟

在城西南懿路城  
本朝崇德八年

勅賜銀兩

慈壽寺

在城西北九十里趙家堡  
本朝崇德八年

勅賜銀兩



海城縣

娘娘廟

在城外耀州南十里瞭高山

太宗文皇帝時修康熙二年  
勅工部重修有碑記



甯遠州

姜女廟

在城西南一百八十里中前所城西二十五里秦時貞婦許氏孟姜祀也內有宋文天祥聯句云秦皇安在哉萬里長城築怨姜女未亡也千秋斤石銘貞其東有

御軒三楹並有垂花門船舫儀門耳房迴廊平臺朝房執事房乾隆八年

御書芳流遼水匾額恭懸祠內又八年四十二年四十八年

御製姜女祠詩又十九年有

御製題望夫石詩序云姜女祠前有石名曰望夫或云即姜女墓事雖不經而有闕風化故詠之俱恭載通志

天章門



廣寧縣

北鎮廟

在城西舜封醫巫閭山以鎮幽州歷代因之唐開元中封廣寧公遼金時加王號元大德二年封貞德廣寧王明洪武初詔改封號止稱北鎮醫巫閭山之神建廟設主歲時祭享朝廷有大典恒遣官祭告  
本朝悉仍舊制康熙四十一年  
頌

御書鬱葱佳氣匾額恭懸廟內雍正元年奉旨重修至七年告竣乾隆十九年

御書乾始神區匾額恭懸殿內又十九年御製祭北鎮醫巫閭山詩

御筆繪北鎮廟古松圖並詩以紀四十四年御製祭北鎮醫巫閭山詩四十八年

御製祭北鎮廟禮成述事詩俱恭載通志天章門



祀祠

粵稽古昔盛時隆崇德報功之典凡宣勞定國者祀之興廉察暴禦患捍災有德惠於民者祀之亮節効忠足以風世者亦祀之此非徒備廟食之儀文具褒揚之典制已也將以爲千百世之矜式使億兆人觀感懷思俾知爲臣子者固有夙夜靖共殫心畢力就義成仁如是者其精神亦遂與星辰河嶽同其彪炳沒齒而名益彰聲施無已時也

盛京爲留都根本重地四方觀法於茲舊建忠義名宦鄉賢諸祠備矣其專祠之最著者三其一曰



賢王祠祀

國初佐命諸王之祠也其一曰陳忠節公祠祀鄉賢陳公諱克讓任江安督糧道殉咸豐元年金陵難者也其一曰三賢祠三賢者前署將軍刑部尚書崇文勤公諱實原任將軍都公諱興阿前大學士文文忠公諱祥三公勲業不同而其體

國經邦之畧求誠保赤之心則無不同也故邦人謀合祀之光緒二年紳庶乃公懇前署將軍岐司農公奉天府尹恩京兆前學政楊京卿公疏奏請建祠得旨俞允於是滿漢官紳鳩集其事焉謹各次其事狀於後

賢王祠

在外攘門外街北

雍正十二年建

怡賢親王祠乾隆十九年奉

旨以通達郡王武功郡王慧哲郡王宣獻郡王禮烈親王饒餘親王鄭獻親王穎毅親王與怡賢親王一併祠祀

立碑謹鐫

恩旨於上四十二年又奉

旨睿忠親王豫宣親王克勤郡王俱祀祠中



陳忠節公祠

公諱克讓先世閩之晉江縣人遷奉天隸承德縣籍  
 公幼慧年十四通經以文名弱冠入邑庠食餼舉優  
 行貢成均道光壬午擢京兆癸未成進士改吏部主  
 事陞員外郎充乙未鄉試及丙申會試同考官京察  
 一等陞郎中派充戶部坐糧廳理漕以廉介稱擢四  
 川綏定府知府時綏定方遭教匪蹂躪甚夥散多離  
 散公蒞任勞徠安輯多方教養士民翕然從風于是  
 儆官邪鋤頑梗誅劇盜以靖閭閻除妖妄以破愚惑  
 境內肅然大治咸豐元年大府以川省吏治第一保  
 薦引

見崇  
恩

召見回

任後調成都府旋擢江安十府糧道督運抵通事  
 浚回金陵時粵逆犯楚皖長江上下賊氛日熾旋陪  
 安慶府直薄金陵城官紳商庶謀守禦公散財募勇  
 助之時有幕客某以公非守土官可去之說誣公公  
 怒叱之城陷公督勇巷戰殺賊數十人公亦肩肋受  
 數創乃大呼罵賊遇害時咸豐三年二月也闔署殉



難者公元配李氏弟克誠子松恩事

旨着交部從優議卹四年又奉旨着賞給太常卿銜六年奉天紳士前工部主事張鵬飛等

議請于本籍建立專祠以昭忠烈而垂久遠聯名呈請都察院代

上諭都察院奏前據工部主事張鵬飛等以原任江蘇江安

督糧道陳克讓於咸豐三年二月間在金陵殉難最慘

並其妻子胞弟同時盡節情願在該故員原籍奉天地

方公建專祠遺抱呈周玉鼎赴該衙門投遞陳克讓前

在金陵與其弟陳克誠子陳松恩同時殉難業經兩江

總督怡良等查明奏請降旨交部從優議卹茲該主事

等呈稱陳克讓之妻李氏亦在署自盡並因該故員全

家殉難大節凜然願在奉天本省公建專祠之處著禮

部察議具奏欽此禮部核符具

題奉

旨依議欽此等因紳士遵卽公同集資卜地庀材建祠祀焉

同治十年在京紳士聯銜奏請

予謚奉

旨賜謚忠節宣付史館編入列傳並

賜祭一壇



三賢祠 在西關外

光緒二年署將軍兼總督岐元府尹行巡撫事恩福

天恩俯順輿情 准予建立公祠列入祀典恭摺仰祈

聖鑒事竊臣等接據奉省紳士翰林院編修董執戶部主

事慶恩等三十餘人聯名呈稱奉天為國家發祥重

地二百餘年涵濡 聖澤 蹈德詠仁迭蒙 朝廷 慎簡賢員來蒞茲土治政得以蒸蒸日上如已故署

將軍刑部尚書崇實原任將軍都興阿大學士文祥

其功德在民尤為闔省士庶所不能忘紳等同深感

戴願共爇一辦之心香合而請三賢之廟祀查已故

署理將軍刑部尚書崇實上年下車伊始即統籌奉

省全局以內地西南兩路舉行保甲嚴禁游手申明

犯賭窩贓各例法立令行盜風即漸息北路昌圖

廳屬毗連蒙古賊則出沒無常官實鞭長莫及非添

州縣不足以為設官養兵之費如不能遠添州縣議立

斗秤各稅以為設官養兵之費如不能遠添州縣議立



就安謐惟東路邊外游民私墾多年匪徒乘機苛歛  
內地馬賊此拿彼竄往往視爲逋逃淵藪若不先清  
邊境詎能永絕盜源遂即調集各兵立將東溝賊巢  
殲除淨盡其中良莠不齊復推廣

皇仁

旋將廟兒溝通溝賊壘一律蕩平統辦善後除積年  
之巨患作人遠之良圖道路得以暢行商民始無阻  
碍其綏靖地方有如此者奉省吏治之廢弛由於政  
令之紛歧將軍向不兼轄民事以致旗民各分門戶  
事既牽掣難行弊即由此而起欲求整頓勢須變通  
崇尚書議立總制以一事權並分責成以杜推諉刑  
名詞訟歸諸州縣捕務旗租責在尉協接屬則開誠  
布公共求治理馭眾則推心置腹力挽時艱其大法  
小廉人知所畏者尤在於痛絕苞苴以身率屬所有  
漏卮無不全行禁絕卽下至向有之門包亦並一清  
如水故能破除情面百廢俱興其整綱飭紀有如此  
者他如清理訟獄無不隨到隨判朔自蒞奉以來卽  
立行轅發審局提結積案數百起立決匪犯數百名  
良民無牽累之苦宵小有警戒之心並本曾大學士  
之法嚴定州縣結案限程以期闔省均無滯獄其俯

恩賞

恤民隱有如此者至於八旗草豆各廳州縣所納米  
石多寡向屬不齊吏得爲奸民受其累崇尚書奏定  
章程使無畸重畸輕之弊民間無不稱便軍興以來  
商戶各有日捐歲捐捐相沿資本之盈縮已殊按戶之  
輸將如舊甚有一衛一鎮荒閑大半而現存之戶轉  
爲代攤崇尚書奏請停止民力因得稍紓其體察民

國

情有如此者凡此深謀遠慮之思無非經  
更定吏治新章竭慮殫精時或達旦不寐至於尋常  
案件無論鉅細亦莫不事事躬親卽至臥病垂危猶  
復手判公牘其積勞而歿實爲我民匪特日擊情傷  
卽道路傳聞亦無不聲太息僉稱崇尚書之創立  
規模使東土得享承平之福實足昭垂不朽而追念  
原任大學士文祥原任將軍都興阿往日勲勞實亦  
不無德洽恩孚之感溯查同治四年東北一帶馬賊  
肆行劫獄戕官之案層見迭出繼則賊匪逼近省垣  
大有疾風驟雨之勢兼以內地伏莽洶洶幾於無處  
無賊仰蒙

朝廷簡命原任大學士文祥統領勁旅出關行至途次聞  
省垣有劫獄之案遂不分晝夜兼程前進人情因之



大定厥後簡軍出討破賊于昌圖之朝陽坡一戰而  
 覆其眾隨勤逸匪於牛莊海城岫巖新民廣寧義州  
 等處招復襄魯良儒悉數資遣回籍全活甚眾兵行  
 所至尤能秋毫無犯所有被擾處所請  
 旨分別蠲免正賦以紓民力設忠義局於省垣凡死事將  
 弁及城鄉殉難人等延請表揚建祠附祀迨至全省  
 肅清之後遂即凱撤回京時當大亂初平遠寇未盡  
 根株伏莽不時蠢動幸原任將軍都興阿來奉體察  
 情形詳加區畫諭令各城鄉長偵有賊匪即行捆獻  
 佐以分泚官兵伺便離剿又以奉天武備不修創立  
 捷勝營馬步洋槍刀矛炮隊一技一器悉皆躬親計  
 論手訂章程約束嚴明井然不紊每雞鳴而起親至  
 教場與營汎等述及大江南北攻剿髮捻情形戒以  
 艱苦耐勞為主凡今之馬步陣法營規皆其遺教紳  
 等猶記其  
 陞見西行之日士民涕泣扳轅不忍其去道旁竟有哭至  
 失聲者迨後再蒞東都務崇節儉旋即一病出缺其  
 含殮之日環堵蕭然嗣蒙  
 恩賞千金始得扶柩回里軍民無不感嘆即原任大學士  
 文祥本年靈柩回藉沿途老幼亦皆供奠香花呼號

板戀蓋均功德在民遺愛之人人者深也紳等謹按  
 文大學士入贊

綸屏崇尚書都將軍未經莅奉以前功在他省毋庸殫  
 述第念奉省休養生息得有今日實賴三賢之力我

諭旨 朝翊贊中興如胡駱曾袁諸臣均經仰蒙  
 准立專神今三賢功德足媲美前賢而廟貌缺如未伸

祀享何以留遺愛而遂瞻依紳等咸願於省城總建  
 一祠以祀三賢由地方官春秋致祭藉申答報所有

工費即由紳商士庶自行捐辦額日三賢祠以褒忠  
 蓋等情懇請具奏前來臣等查已故署盛京將軍刑

部尚書崇實上年奉  
 旨來奉查辦事件旋拜署理將軍之

命莅任以來如籌辦邊務變通吏治諸大端皆能統籌全  
 局以為一勞永逸之計而痛除積習令出惟行力疾

從公案無留積尤能廉介堅忍使梗頑知法良善懷  
 恩一年之間內外各城馬賊不敢橫行賭匪亦均斂

跡聞闔安謐商旅無驚此大積勞病故闔省紳民同  
 聲太息以為宜立廟祀以遂崇報之思並追念原任

將軍都興阿訓練精兵捍災禦患原任大學士文祥  
 於同治四年賊氛猖獗之時統領勁旅趨程雕剿轉



危為安均係遺愛在民不忍令其湮沒該紳士等情願捐資建祠口各呈請具奏臣等未敢壅于

上聞合無仰懇

天恩准由奉省紳民自行捐資建立該故臣崇實都與阿文祥公祠列入祀典春秋遣官致祭以順輿情而彰忠蓋謹合詞據實奏陳伏乞

皇太后

皇上聖鑒謹奏軍機大臣奉

旨着照所請該部知道欽此

盛京典制備考卷三目錄

將軍管理 宗室覺羅教養事宜

盛京八旗舊居俸餉

宗室 承祭奉恩將軍

覺羅

宗室學

原移居

宗室俸餉 高牆

將軍總管內務府事宜

職官兵丁人役

廣儲司

三旗 黑牛鎚

營造司

掌儀司

會計司

都虞司







二斗

宗室孤子不待年歲食餉銀三兩

宗室孤女食餉銀一兩五錢

一乾隆元年由京移來奉恩將軍六員連眷口作為  
移駐專為承祭

三陵按季由

盛京禮部先期咨報太常寺奏派正祀配祀一年清明

中元長至歲暮及忌辰等日分輪祭祀每員各支俸

銀一百一十兩俸米五十四斛五斗弟襲兄職者永遠食半俸係道

光二  
年例

先後奉撥隨缺辦公地十八頃自行取租

一額設 宗室總族長二員 宗室佐領二員分為

左右翼各管四旗由奉恩將軍內揀放仍食原俸如

奉恩將軍內不得人准由宗學正副管內奏請選放

仍食正副管原俸八旗 宗室每二旗設族長一員

學長一員按左右翼每翼上二旗族長由宗學正管

兼理每翼下二旗族長並兩翼學長四員均由閑散

宗室挑放仍食原餉一年無過准獎賞

族長銀各二十兩  
學長銀各十五兩

一八旗



同治六年宗人府奏准覺羅娶妻賞銀八兩娶繼妻六兩聘女十兩白事賞實銀十五兩繼妻病故十兩五錢

覺羅年至二十歲食餉銀二兩娶媳聘女紅事給賞銀二十兩白事給賞銀三十兩

覺羅孀婦無子者食餉銀二兩歲支米一石六斗

覺羅孤子不待年歲亦食餉銀二兩

覺羅孤女食餉銀一兩

額設覺羅族長二員由現任覺羅筆帖式內選放遇事呈報 宗室佐領總族長管理轉詳

一 宗室學

設在天佑門外

宗室學生二十名在學讀書每名月支膏火銀三兩

粟米三斗每屆五年奏請

欽派大臣考試清漢文取中者以該學正副管陞用

額設漢教習二員月給公費銀各二兩粟米一石每

年夏秋關給紗料棉衣服各一套每二年關領皮衣

一次此項教習由奉天民籍進士舉貢內考取教習

三年期滿如成就人才出具考語咨送宗人府帶領

引

見有以知縣用者有以教職用者出自

欽定

設弓箭教習一名由前鋒領催委官內選克月給公



費銀一兩

宗室學額設正管二員歲支俸銀四十五兩副管二員歲支俸銀四十兩該正副管月支公費銀米與學生同

一覺羅學附近宗學

額設學生四十名在學讀書每月各支膏火銀二兩粟米三斗遇考之年歸併宗室考試取中者以筆帖式用副管四員由覺羅庫使筆帖式或閑散覺羅年長品端者選放月支公費銀米與學生同額設漢教習二員弓箭教習二名公費銀米衣服與

宗室學教習同

宗室學定例應

將軍禮部查管外由五部侍郎內奏請

欽派管學大臣一員

嘉慶十九年建設宗室營房於東關邊牆外除衙

署公所廟宇外淨住房七十所每所八間外圍磚牆四角望樓正南設一門

原移居

宗室內除回京者現剩四十七戶食餉者八十餘名

將軍督管仍由五部侍郎內奏請

現有一百七十餘名內食俸餉宗室並孀婦等三十餘名



光緒元年經原任刑部尚書署將軍崇實奏請  
欽派一員協同管理

欽派二員協同管理移居

宗室食餉年歲紅白事賞項與舊居

宗室同惟食三兩餉者歲支粟米二十二倉石地租銀二十一兩六錢其由發遣作為移居者倉餉全分粟米地租三分之一發遣管束者

宗室覺羅各給半分餉銀

額設主事二員歲支雙俸銀各一百二十兩單俸米各五十九斛外每員月支鹽菜銀四兩二錢人役工食銀各三兩

額設正副族長各一員歲支俸銀各四十兩一年無

過各准獎賞銀二十兩

額設正副學長各一員食原餉每年各將賞銀十五

兩讀書學生二十名

漢教習一員 弓箭教習一名

應領銀米衣服與舊居宗學同

以上三處學房每年冬應領木炭一萬四千餘斤折銀四十三兩二錢各學均有滿教習由各衙門筆帖式內選放並無領項自食原俸惟俟三年期滿請給議叙候陞

一道光元年設立高墻空室於城裡

宗室總族長衙門內遇有



宗室覺羅獲罪者收禁派官兵看守

三月初一日起至八月底止每名每日支

飯食銀二錢九月初一日起至次年二月

底止每名每日支飯食銀三錢看差彈壓

官春夏二季日支飯食銀一錢秋冬二季日支飯食

銀一錢五分值班兵日支飯食銀一錢此項費用原

奏借款生息銀二萬兩發交各城當商按月生息一

送

盛京戶部另款儲庫

宗室覺羅一切事務戶司承辦

宗室覺羅官學事務禮司承辦

奉恩將軍承祭事務禮司承辦



盛京將軍總管內務府大臣

協同管理內務府大臣一員由

盛京五部侍郎內隨時奏派

內務府 廂黃 正黃 正白三旗

額設佐領三員 京包衣缺

驍騎校三員 本省包衣缺

頂戴領催三名

二兩領催十五名

甲兵六百七十八名

內管領一員



司庫二員

食九品俸催長五員

食二兩餉催長五名

庫使十六名

掌倉達一名

倉達三名

頂戴館達六名

無頂館達二名

牧長三名

執事人六十名

捕牲兵三十名

以上俱食二兩餉

牧丁十八名 食二兩餉

採密領催三名 食二兩餉

食五錢各匠役一百五十八名

管檔案

堂主事一員

委主事一員

筆帖式十五員

帖寫兵十五員



聽事八十二名

廣儲司

按年額收各處房租及三旗丁銀數目

一收管官房共一百二十二間俱坐落在瀋城內招商生理居住每年收房租銀五百七十餘兩

一舊有本領銀二百兩原交廂黃正黃二旗屬下丁作為商人各項本銀一百兩每年各交利銀三十兩共收利銀六十兩如商人缺出由該旗揀選殷實人家頂補

一廂黃旗每年催辦星呢壯丁銀二千三百五十一兩零新丁銀四兩八錢八分零



應交棉花折銀二百八十三兩六錢二分每百斤折銀五兩八錢  
應交靛折銀七十三兩九錢八分每百斤折銀九兩五錢  
應交鹽折銀十四兩三錢八分每百斤折銀三錢二分

三旗一律

一正黃旗每年催辦伍戶壯丁銀四百九十五兩三錢新丁銀十三兩五錢

應交棉花折銀二百五十五兩一錢五分零

應交靛折銀四十一兩九錢一分零

應交鹽折銀十三兩七錢八分零

一正白旗每年催辦京墾五爾占壯丁銀六百三十

七兩

應交綿花折銀二百六十七兩三錢七分零

應交靛折銀八十五兩零

應交鹽折銀九兩六錢

一會計司莊頭羊草官甸出產羊草每年折銀一百餘兩

一廂黃旗每年催收伍田租銀一百四十七兩

一正黃旗每年催收伍田租銀八百五十三兩四錢

一正白旗每年催收伍田租銀七百一十四兩二錢

以上共約收銀七千一百七十餘兩



三旗仍應交本色綿花一萬二千斤  
本色靛一千九百五十斤

本色鹽二萬一千斤

借項銀八百八十三兩五錢

乾隆七年

奏准由庫儲正項銀動用三千兩另箱存儲以備三旗  
驍騎校庫使催長領催執事人兵丁遇有紅白事件  
准借給五個月錢糧遇有京差打圍准借給三個月  
錢糧按季由應領錢糧坐扣不加利息每年各項京  
差領坐糧車腳採買布疋皮張染造布疋顏料汲澆

果品沙糖食辛者庫人折給口糧銀併

萬壽元日上元備茶等項共約放銀九千餘兩每年採買  
叫鹿皮一百張發價銀三百兩交將軍衙門打秋圍  
佐領採買一年由將軍衙門咨領

恩賞銀二千餘兩備放官兵紅白事件賞項之需

一每年採買湯皂皮十五張發價銀三十兩送交武  
備院年例應領潮腦九十七斤十四兩



營造司應辦事宜

一 每年應領潮腦一百四斤十二兩八錢

一 每年應成造魚鴨箱匣二十五個需用椴木由

盛京工部領取如河口無抽存木植改給銀六兩九錢

三分

一 每年應領野鷄尾摺十四把鷄毛摺十六把

一

宮殿內廷應糊窗戶由

盛京工部派員二年糊飾一次



掌儀司應辦事宜

一每年應交圍丁折色錢糧銀一千零二十餘兩派

員送京

一每年應交香水梨二千個 白露節派員送京

一每年應交接梨二千八百個 秋分節派執事人送京

一每年應交野鷄一千隻 年底派執事人送京

一每年應交凍梨二千六百二十五個

一每年應交榛子八十八倉石餘

一每年應交山梨皮二倉石四斗

一每年應交橫櫬塊十六倉石二斗



卷三  
十三  
八七  
一三旗園頭十六名無餉虛職催長一員園丁二千九百二十三名每名應交錢糧銀三錢六分二釐每年共應交銀一千零五十八兩五錢三分九釐除出送京果子抵銷銀三百六十兩零七分七釐外餘剩銀六百九十八兩四錢六分一釐按年專差送京交內務府

會計司應辦事宜

頭等莊頭二十八名每名應交倉糧三百八十二倉石

二等莊頭四名每名應交倉糧三百五十二倉石

三等莊頭五名每名應交倉糧三百零七倉石

四等莊頭三十一名每名應交倉糧一百九十二倉石

統計莊頭六十八名共領官地五十一萬零九百九十八畝各名原領官地有二三萬畝至四五千畝不等竟有地多糧少地少糧多者先年定數至今照辦



每年共交糧一千二百三十三倉石

一每年應交黑牛館黑豆二千三百零四石由穀糧內扣抵

一每年應交草甸餘租銀四千餘兩交銀庫 盛京戶部

一每年應交乳牛館粟米八九十石不等由穀糧內扣抵

一每年應交地畝銀一千餘兩交盛京戶部銀庫

一每年應交穀草銀三百餘兩交盛京戶部銀庫

一每年應交羊草銀一百餘兩交廣儲司

一每年應交

貢鴨八十隻頭次二十隻 二次三十隻 三次三十隻

將軍年例應進

貢鴨二十隻

過夏糖六匣

將軍年例應進

貢湯鹿十隻

湯麀十隻

鹿尾二十盤

野鷄八十隻

鴨子六十隻

白魚十二尾

鰲花魚十二尾

鯿花魚八尾

鯉魚八尾

過夏糖二十匣

奶子二倉石

葡萄二倉石

黏粉子二倉石

散粉子二倉石

滷鰕四瓶

三佐領每年輪替一員送京

本內務府年例應進

貢鴨六十隻

滷鰕二隻

過夏糖二十匣



黏粉子米二十倉石 交內管領處

散粉子米十五倉石 交內管領處

糖芽黃米八倉石六斗四升 交內管領處

點燈油一千零九十四斤

都虞司應辦事宜

一麻黃二旗共養蜂丁十八名每名應交鮮蜜二瓶

半每瓶重二十斤共計四十五瓶交倉汲澆果品

一三旗採蜜丁三百四十一名每名應交蜂蜜二瓶

半每瓶重二十斤共蜜八百五十二瓶半內交倉汲

澆果品蜜一百七十八瓶半下餘蜜六百七十四瓶

每瓶折銀五錢共折銀三百三十七兩

一三旗菜丁六名每名交薺蒿菜一筐

一捕水獺丁十八名每名應交水獺皮四張共七十

二張內實送京九張下餘六十三張每張折銀一兩



共折銀六十三兩

一正白旗鶴丁十名每丁應交鶴翅十五副共一百五十副內送京鶴翅十二副鷓翎十八副每副鷓翎抵交鶴翅五副共抵交九十三副鶴筋二兩下餘鶴翅四十八副每副折銀三錢共折銀十四兩四錢

一三旗細鱗魚丁共三十名每名應交細鱗魚五十尾共一千五百尾內送京一百尾下餘一千四百尾每尾折銀四分道光二年奉

諭旨將細鱗魚一百尾亦改照例折價共折銀六十兩

一三旗捕雜魚丁四十八名每名應交魚五百斤共

應交雜魚二萬四千斤內於道光二十三年奏奉諭旨又減去九千斤每斤折銀三分二十五年復奏准全數折銀每年送京銀七百二十兩

一王多羅樹圍場三旗捕牲兵三十名共應交鹿肉乾二千七百束於道光二年奉

諭旨減去六百束每三束照例折銀一錢嗣於道光九年復奉

諭旨將應交鹿肉乾全數照前折銀又將全鹿一百二十隻亦停交每鹿一隻照例折銀三兩共折銀三百六十兩



以上肉乾全鹿共折銀一千一百九十四兩四錢

按年派員送京交

內管領處

一木丁頭目二名木丁四十八名每年出旺清邊門

砍辦

槽盆五十七件

椴木寸板十九塊

樺木槍桿五十根

楸木椽子二百根

柳木椽子四百根

楊木箭桿五千根

按年送交武備院

一每年應交蘑菇一百七十五斤

木耳一百二十三斤

蜜濺菓品五十三斤

黏粉子一倉石二斗

散粉子一倉石二斗

糖芽一百五十斤

常青菜五十三斤

按年送交菓房菜庫

一每年

昭福

昭陵做祭品辛者庫人併本屬食辛者庫人口男婦子女大

口月食穀三倉斗六升小口減半自九歲起共應食

口糧二萬八千餘倉石均由大糧莊頭交納

皇倉內關領除莊頭每年交糧一萬四千餘倉石外

其不敷糧一萬三千餘倉石照例折價銀四千一百

餘兩按年充當



內庭打掃地面差使現有食糧男婦子女六千七百餘名口

一	二	三	四	五	六	七	八	九	十
...	...	...	...	...	...	...	...	...	...

三旗應辦事宜

一廂黃旗牛彖處百總十二名所管差丁五千一百七十五名按年春季由織造庫領綿花紡線交庫造辦布疋由廣儲司發給棉花三千三百五十五斤十兩放給紡經線丁該丁共五千一百七十五名按丁領棉花九兩八錢七分一釐交經線八兩九錢八分共交經線二千九百零四斤六兩又放給紡縞線棉丁一百六十三名按丁領棉花一斤交線一斤共交葛線一百六十三斤外有冬季每丁應交

磨姑

九錢七分四釐八毫三絲



木耳

五錢六分零九毫二絲七忽

常青菜

七錢六分一釐六毫八絲

葡萄

一合二勺一抄一圭九粟

奶子

五勺四抄七圭

三旗領催輪流送京

一按年此一旗伍田地三千六百七十五畝除按畝

征銀四分每年共交租銀一百四十七兩

交內庫

一雍正四年星呢門下壯丁撥入廂黃旗交納錢糧

銀共差丁一千二百零六名每丁每年交差銀二兩

零九分九釐每年共應交錢糧銀二千五百三十一

兩

交內庫

一正黃旗牛象處百總十二名所管差丁二千一百

七十名每年春季由織造庫領棉花紡線交庫造辦

布正年例由廣儲司發給棉花三千一百五十三斤

四兩五錢內放給線丁二千一百七十名每名領棉

花一斤四兩一錢二分外加彈紡傷損棉花一兩五

錢共放給棉花二千九百九十三斤九兩每名應交

線一斤四兩一錢二分共交線二千七百三十七斤

又放給棉花莊頭紡葛線綿花一百四十六斤外加

彈紡傷損綿花十三斤十一兩共放給棉花一百五



十九斤十一兩其交葛線一百四十六斤外每年冬  
間每丁應交

磨姑 二兩四錢九分六釐一毫八絲

木耳 一兩四錢三分六釐三毫

常青菜 一兩九錢五分零五毫

奶子 一合三勺八抄五撮二圭

葡萄 三合一勺零三抄

三旗輪流派領催送京

此一旗伍田地二萬一千三百三十六畝四分每畝  
徵銀四分每年共交租銀八百五十三兩四錢五分

六釐 交內庫

應交淨多伍田租銀七十一兩八錢七分八釐 交盛京

戶部銀庫 又交伍田地邊滋生課銀二兩共交銀七十三兩八錢七分八釐

一雍正四年阿其那塞思黑允俄勒土信蘇奴門下

五戶壯丁撥入正黃旗交納錢糧共差丁二百五十

六名每名應交銀一兩九錢三分五釐每年應交錢

糧銀四百九十五兩五錢 交內庫

一正白旗牛彖處百總十二名所管差丁一千零八

十六名每年春季由織造庫領綿花紡線交庫造辦

布疋由廣儲司發給綿花二千九百五十二斤零五



錢放給紡經線丁一千零八十六名每名領綿花二斤五兩三錢三分三釐外加彈紡損傷綿花一兩五錢共給棉二千七百七十一斤九兩每名交經線二斤五兩三錢三分三釐共線二千五百三十四斤又放給綿花莊頭紡葛線棉花一百六十五斤外加彈紡傷損棉花十五斤七兩共放給棉花一百八十斤七兩按年交葛線一百六十五斤外冬季每名應交蘑菇四兩四錢九分三釐五毫五絲四忽木耳二兩五錢八分五釐六毫三絲五忽常青菜三兩五錢一分一釐三毫六絲三忽

葡萄 四倉合九勺七撮二抄四圭

奶子 一合八勺七撮八抄五圭

三旗輪流派領催送京

此一旗伍田地一萬七千八百五十六畝七分每名徵銀四分每年共交租銀七百一十四兩二錢六分

八釐 交內庫

一雍正四年京鹽五爾占門下壯丁撥入正白旗交納錢糧銀共丁四百二十八名每名應交丁銀一兩四錢八分八釐每年共交錢糧銀六百三十七兩 交內庫 廂黃旗織造庫



一年應織大布八百三十疋

一年應織小布一千二百四十五疋內除

黑津關領小布一千零一十二疋

送京漂白小布一百疋

送京染青藍小布一百疋

送京染紅青小布三十三疋

送京葛線一百六十三斤

正黃旗織造庫

一年應織大布七百八十二疋

一年應織小布一千一百七十三疋內除

黑津關領小布九百四十疋

送京漂白小布一百疋

送京青藍小布一百疋

送京紅小布三十三疋

送京葛線一百三十六斤

正白旗織造庫

一年應織大布七百二十四疋

一年應織小布一千零八十六疋內除

黑津關領小布八百五十三疋

送京漂白小布一百疋



送京青藍布一百疋

送京紅布三十三疋

送京葛線一百六十五斤

黑牛館應辦事宜

一年額養滿口分牛六十頭每日各餵豆六倉升穀  
草二束半口分牛十頭每日各餵豆三倉升穀草一  
束額養羊三百五十隻每日各餵豆二倉升穀草半  
束額飲羊鹽五錢  
每年

永陵黑牛館撥餵黑牛五頭至十頭不等每年撥餵羊三四  
十隻至一百四隻不等每年

盛京黑牛館常存餵黑牛四十五頭至六十頭不等常  
存餵羊一百四十五隻至三百餘隻不等



有... 四百... 四百... 四百... 四百...

... 四百... 四百... 四百... 四百...

十... 四百... 四百... 四百...

... 四百... 四百... 四百... 四百...

... 四百...

... 四百...

... 四百... 四百... 四百... 四百...

... 四百... 四百... 四百... 四百...

... 四百... 四百... 四百... 四百...

... 四百...



